

1. **პროგრამის სახელწოდება:** ბრიტანეთმცოდნეობა
2. **პროგრამის ხელმძღვანელები:** ასოცირებული პროფესორი მანანა რუსიეშვილი, ასოცირებული პროფესორი თინათინ მარგალიტაძე
3. **მისანიჭებელი აკადემიური ხარისხი:** ბრიტანეთმცოდნეობის მაგისტრი MA in British Studies
4. **პროგრამაზე დაშვების წინაპირობა:**
  - ჰუმანიტარულ მეცნიერებათა ბაკალავრის ხარისხი სპეციალობით ინგლისურ ფილოლოგია, ისტორია; სოციალურ და პოლიტიკურ მეცნიერებათა ბაკალავრის ხარისხი სპეციალობით პოლიტიკური მეცნიერებები და საერთაშორისო ურთიერთობების.
  - პროგრამაზე დაშვება შესაძლებელია მხოლოდ ერთიანი სამაგისტრო გამოცდის ჩაბარების შემთხვევაში.
5. **სამაგისტრო პროგრამის საკვალიფიკაციო დახასიათება:**

**მიზანი** - უცხო ენებისა და ქვეყნების შესწავლის მნიშვნელობა საყოველთაოდაა აღიარებული როგორც ეროვნულ, ისე საერთაშორისო დონეზე. უცხო ენის ცოდნისა და გამოყენების უნარი უაღრესად ფასეულია როგორც ცალკეული ინდივიდისათვის, ისე მთლიანად საზოგადოებისათვის. უცხო ენების ცოდნის მნიშვნელობა დასაქმებაზეც აისახება. ჰუმანიტარული დარგების კურსდამთავრებულთა შორის, უცხო ენების ფაკულტეტების კურსდამთავრებულებს დასაქმების ყველაზე მაღალი პროცენტი აქვთ. ენები უაღრესად დიდ როლს თამაშობენ ამ ენებზე მოლაპარაკე საზოგადოებათა კულტურის თუ ეროვნული ცნობიერების ჩაწვდომის საქმეში. ენების ცოდნა არის სწორედ ის გასაღები, რაც ადამიანებსა და ქვეყნებს შორის ურთიერთგაგებასა და თანამშრომლობას უწყობს ხელს.

ენებისა და საზოგადოებების მჭიდრო ურთიერთკავშირის გამო, ენათა შესწავლა საუნივერსიტეტო დონეზე მულტიდისციპლინარული სასწავლო პროცესია, რომელიც მოიცავს ლინგვისტურ, ლიტერატურულ, კულტურულ, სოციალურ, პოლიტიკურ, ისტორიულ თუ სხვა ასპექტებს.

წინამდებარე მულტიდისციპლინარული სამაგისტრო პროგრამის შექმნა ნაკარნახევია ენების შესწავლისადმი სწორედ ამგვარი თანამედროვე მიდგომით.

ამასთან ერთად, აღნიშნული სამაგისტრო პროგრამის შექმნის მიზანი ჩვენი ქვეყნის განვითარების პოლიტიკური და ეკონომიკური იდეოლოგიაცაა. საქართველო ისწრაფვის ევროპულ ოჯახში ინტეგრაციისაკენ და სურს გახდეს თანამედროვე საერთაშორისო საზოგადოების აქტიური წევრი. აქედან გამომდინარე, საქართველოს სჭირდება სპეციალისტები, რომლებიც კარგად იცნობენ სხვადასხვა ქვეყნების კულტურასა და საზოგადოებას.

ამრიგად, ბრიტანეთმცოდნეობის სამაგისტრო პროგრამის დანერგვა პასუხობს თანამედროვე პრიორიტეტულ პრობლემატიკას, აქტუალურია იმიტომაც, რომ მაგისტრანტს აძლევს ფართო მულტიდისციპლინარული კვლევის საშუალებას, ზრდის მისი კომპეტენციის დონესა და ხარისხს, რითაც აფართოვებს მისი მომავალი დასაქმების შესაძლებლობებს.

აღნიშნული სამაგისტრო პროგრამა საშუალებას მისცემს მაგისტრანტს მიიღოს ღრმა და საფუძვლიანი ცოდნა ბრიტანეთის ისტორიის, მისი პოლიტიკურ-ეკონომიკური მოწყობის, კულტურული და ეთნიკური თავისებურებების შესახებ, ბრიტანეთის ადგილისა და მისი მისიის შესახებ ზოგადევროპულ კონტექსტში. გარდა ამისა, პროგრამით გათვალისწინებულია ინგლისური ენის ცოდნის სრულყოფა და, მაგისტრანტის მიერ არჩეული მეორე უცხო ენის შესწავლა.

პროგრამის სტრუქტურა სავსებით პასუხობს საერთაშორისო მოთხოვნებს და ინგლისური ენა განიხილება არა როგორც მხოლოდ პრაქტიკულად დასაუფლებელი სასწავლო საგანი (ამას ემსახურება მისთვის გამოყოფილი 15 კრედიტი, მოდულის დასრულების შემდეგ მაგისტრანტის პრაქტიკული ცოდნა ინგლისურ ენაში უნდა პასუხობდეს C1 დონეს), არამედ როგორც გასაღები და საშუალება ბრიტანული კულტურის, ბრიტანეთის ისტორიისა თუ საზოგადოების კანონზომიერებების შესასწავლად.

**შედეგები:** სამაგისტრო პროგრამის დასრულების შემდეგ მაგისტრანტებს ეცოდინებათ ინგლისური ენა C 1 დონეზე, შეისწავლიან მათთვის სასურველ მეორე უცხო ენას.

ამასთან ერთად, მაგისტრანტებს ექნებათ:

- თეორიული და პრაქტიკული ცოდნა თანამედროვე ბრიტანეთისა და ზოგადად ევროპის პოლიტიკური, ეკონომიკური, სახელმწიფოებრივი ინსტიტუტების მოწყობის შესახებ;
- საფუძვლიანი ცოდნა ბრიტანული ლიტერატურის, ხელოვნებისა და თანამედროვე ბრიტანული საზოგადოების კულტურულ-ეთნიკური შემადგენლობისა და პრობლემატიკის შესახებ;
- საფუძვლიანი ცოდნა ბრიტანეთის როლისა და მისიის შესახებ ევროპულ კონტექსტში;
- ზემოთ ჩამოთვლილი პრობლემატიკის შესახებ მსჯელობის, დასაბუთების, პრობლემის კრიტიკული შეფასების უნარი;
- თეორიული და პრაქტიკული ცოდნა ბრიტანული და ქართული კულტურების შედარებისათვის;
- ბრიტანეთის კულტურის უნიკალურობის აღქმისა და შეფასების უნარი;
- მნიშვნელოვანი ცოდნა ბრიტანული კულტურის წვლილის შესახებ ევროპულ და გლობალურ დონეზე;
- უნარი ინტერდისციპლინარულ კონტექსტში, მიღებული ცოდნის დახმარებით, ჩამოაყალიბონ საკუთარი მოსაზრება, კონცეფცია, რომელიც დაეყრდნობა სხვადასხვა პარამეტრების ანალიზის შედეგებს;
- პროფესიული დასკვნების საჯარო წარდგენის უნარი;
- სხვა ექსპერტებთან თანამშრომლობის უნარი;

**დასაქმების სფეროები:** სამაგისტრო პროგრამის გავლის შემდეგ მიღებული კვალიფიკაცია და ენების ცოდნის მაღალი დონე კურსდამთავრებულს დასაქმების მრავალ შესაძლებლობას უქმნის. კერძოდ, კურსდამთავრებული შეიძლება დასაქმდეს:

- საგარეო საქმეთა სამინისტროში,
- საელჩოებში,
- სხვადასხვა სახელმწიფო ინსტიტუციებში;
- კერძო სექტორსა და ბიზნეს სტრუქტურებში;

- არასამთავრობო ორგანიზაციებში;
- საერთაშორისო ორგანიზაციებში;
- მასმედიასა და საინფორმაციო ცენტრებში;
- უმაღლეს საწავლო დაწესებულებებში სასწავლო პროცესის დამხმარე-ტექნიკური საქმიანობისთვის,
- გააგრძელოს კვლევითი საქმიანობა.

**სწავლის გაგრძელების საშუალება:** მაგისტრს შეუძლია სწავლა გააგრძელოს დოქტორანტურაში.